



Broj: 06-1-07-3-113/21

Sarajevo, 26.02.2021. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i Poglavlja VI. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), Centralna izborna komisija Bosne i Hercegovine je na 29. sjednici, održanoj 26.02.2021. godine, donijela

ODLUKU

o utvrđivanju rezultata posrednih izbora i dodjeli mandata iz Općinskog vijeća Novo Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Novo Sarajevo, kako slijedi:
1. kandidatska lista političke stranke NAROD I PRAVDA, dobila je **pet (5) glasova**,
 2. kandidatska lista političke stranke POG NAŠA STRANKA, dobila je **pet (5) glasova**,
 3. kandidatska lista grupe vijećnika ALMA ČENGIĆ, dobila je **četiri (4) glasa**,
 4. kandidatska lista grupe vijećnika "KORORA I OSTALI", dobila je **osam (8) glasova**,
 5. kandidatska lista grupe vijećnika MARIJELA HAŠIMBEGOVIĆ, dobila je **tri (3) glasa**,
 6. kandidatska lista političke stranke PLATFORMA ZA PROGRES, dobila je **nula (0) glasova**,
 7. kandidatska lista političke stranke SAVEZ ZA BOLJU BUDUĆNOST SBB, dobila je **tri (3) glasa**,
 8. kandidatska lista grupe vijećnika DANIJELA ŠAHAT, RIAD IDRIZOVIĆ I EMIR RUSTEMPAŠIĆ, dobila je **tri (3) glasa**.
- (2) Centralna izborna komisija Bosne i Hercegovine dodjeljuje mandate u Gradsko vijeće Grada Sarajeva iz Općinskog vijeća Novo Sarajevo sljedećim vijećnicima:
1. **Samir Bejić (Ostali)**,
 2. **Mirela Džehverović (Ostali)**,
 3. **Alma Čengić (Bošnjak)**,
 4. **Elvedin Korora (Bošnjak)**,
 5. **Marijela Hašimbegović (Hrvat)**,
 6. **Danijela Šahat (Hrvat)**,
 7. **Srđan Srdić (Srbin)**.

O b r a z l o ž e n j e

Općinsko vijeće Novo Sarajevo dostavilo je, dana 18.02.2021. godine, Centralnoj izbornoj komisiji BiH akt, broj: 02OV-04-948/21 od 18.02.2021. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

U skladu sa članom 22. Statuta Grada Sarajeva („Službene novine Kantona Sarajevo“ br. 12/98, 14/98, 25/05, 23/08 i 32/08) svako općinsko vijeće vrši izbor po sedam (7) delegata u Gradsko vijeće.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Novo Sarajevo, glasao je 31 vijećnik za prethodno ovjerenih osam (8) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. kandidatska lista političke stranke NAROD I PRAVDA, dobila je **pet (5) glasova**,
2. kandidatska lista političke stranke POG NAŠA STRANKA, dobila je **pet (5) glasova**,
3. kandidatska lista grupe vijećnika ALMA ČENGIĆ, dobila je **četiri (4) glasa**,
4. kandidatska lista grupe vijećnika "KORORA I OSTALI", dobila je **osam (8) glasova**,
5. kandidatska lista grupe vijećnika MARIJELA HAŠIMBEGOVIĆ, dobila je **tri (3) glasa**,
6. kandidatska lista političke stranke PLATFORMA ZA PROGRES, dobila je **nula (0) glasova**,
7. kandidatska lista političke stranke SAVEZ ZA BOLJU BUDUĆNOST SBB, dobila je **tri (3) glasa**,
8. kandidatska lista grupe vijećnika DANIJELA ŠAHAT, RIAD IDRIZOVIĆ I EMIR RUSTEMPAŠIĆ, dobila je **tri (3) glasa**.

Odredbom člana 13.10 stav (2) Izbornog zakona Bosne i Hercegovine propisano je „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.“

Imajući u vidu naprijed navedenu zakonsku odredbu, raspodjelom mandata iz Općinskog vijeća Novo Sarajevo u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, bila bi delegirana dva vijećnika iz reda bošnjačkog naroda, dva vijećnika iz reda hrvatskog naroda, tri vijećnika iz kategorije ostalih, te nijedan vijećnik iz reda srpskog naroda.

U skladu sa članom 23. stav (5) Statuta Grad Sarajeva, svako općinsko vijeće koje čini Grad Sarajevo delegira najmanje jednog kandidata iz reda konstitutivnog naroda. Općinsko vijeće Novo Sarajevo za Gradsko vijeće, od sedam izabranih gradskih vijećnika, nije delegiralo najmanje jednog kandidata iz reda konstitutivnih naroda, **odnosno nije delegiran vijećnik iz reda srpskog naroda**.

Odredbama člana 23. stav (11) Statuta Grada Sarajevo propisano je, između ostalog, „Ukoliko se ovako provedenim izborima u općinskom vijeću za Gradsko vijeće među sedam izabranih gradskih vijećnika ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu 5. ovog člana, umjesto izabranog vijećnika za Gradsko vijeća s najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju

među delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik i tako sve dok se ne dođe do kvalificiranog kandidata.“

Uvidom u ovjerene kandidatske liste iz Općinskog vijeća Novo Sarajevo utvrđeno je da se na kandidatskoj listi GRUPA OPĆINSKIH VIJEĆNIKA - MARIJELA HAŠIMBEGOVIĆ na poziciji pod rednim brojem 2. nalazi neizabrani kandidat Srdić Srđan, iz reda srpskog naroda.

Nakon provednih posrednih izbora iz Općinskog vijeća Novo Sarajevo utvrđeno je da najmanji količnik (3,00) imaju kandidatske liste:

- a) politička stranka SAVEZ ZA BOLJU BUDUĆNOST SBB,
- b) GRUPA OPĆINSKIH VIJEĆNIKA - MARIJELA HAŠIMBEGOVIĆ, i
- c) GRUPA OPĆINSKIH VIJEĆNIKA - DANIJELA ŠAHAT, RIAD IDRIZOVIĆ I EMIR RUSTEMPAŠIĆ

Na kandidaskim listama GRUPA OPĆINSKIH VIJEĆNIKA - MARIJELA HAŠIMBEGOVIĆ i GRUPA OPĆINSKIH VIJEĆNIKA - DANIJELA ŠAHAT, RIAD IDRIZOVIĆ I EMIR RUSTEMPAŠIĆ na poziciji pod rednim brojem 1. nalaze se delegirani vijećnici iz reda hrvatskog naroda, te bi oduzimanjem mandata bila narušena minimalna nacionalna struktura.

U skladu sa odredbama člana 23. stav (11) Statuta Grada Sarajeva, umjesto izabranog vijećnika za Gradsko vijeće Grada Sarajeva s najmanjim količnikom sa kandidatske liste političke stranke SAVEZ ZA BOLJU BUDUĆNOST SBB, **Rovčanin Edina**, delegira se općinski vijećnik sa kandidatske liste GRUPA OPĆINSKIH VIJEĆNIKA - MARIJELA HAŠIMBEGOVIĆ **Srdić Srđan**, iz reda srpskog naroda.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 26.02.2021. godine u 15:00 sati na web stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.

Dani 27.02.2021. godine (subota) i 28.02.2021. godine (nedjelja) su radni dani u Centralnoj izbornoj komisiji Bosne i Hercegovine i isti se računaju u rokove za podnošenje žalbi.

